



UNIVERSITÄTS-
BIBLIOTHEK
PADERBORN

**De Vita Et Honestate Canonicoꝝ, Et Alioꝝ
Ecclesiasticoꝝ Specvlvm**

Langhe-Cruys, Johan

Duaci, 1587

Super forma iuramenti professionis fidei Pij Papæ quarti bulla. cap.iii.

[urn:nbn:de:hbz:466:1-63733](https://nbn-resolving.org/urn:nbn:de:hbz:466:1-63733)

quos spectat, pro religionis, & disciplinae ecclesiasticae augmento emendentur, & statuuntur. Quae verò vniuersitates immediatè summi Romani Pontificis protectioni, & visitationi sunt subiectae, has sua Beatitudo per eius delegatos eadem, qua supra, ratione, & prout ei vtilius visum fuerit, salubriter visitari, & reformari curabit.

*Super forma iuramenti professionis fidei Pij Papae quarti
bulla.*

CAPVT III.

INIUNCTVM nobis Apostolicę seruitutis officium requirit, vt ea, quae Dominus omnipotens ad prouidendam ecclesię suae directionem, sanctis Patribus in nomine suo congregatis diuinitus inspirare dignatus est, ad eius laudem & gloriã incunctanter exequi properemus. Cum itaque, iuxta concilij Tridentini dispositionem, omnes, quos deinceps cathedralibus, & superioribus ecclesiis praefici, vel quibus de earum dignitatibus, canonicatibus, & aliis quibuscumque beneficiis ecclesiasticis, curam animarum habentibus prouideri cõtinget, publicam orthodoxae fidei professionem facere, sequae in Romanae ecclesię obedientia permansuros, spondere, & iurare teneantur: Nos volentes etiam per quoscumque, quibus de monasteriis, conuentibus, domibus, & aliis quibuscumque locis, regularium quorumcumque ordinum, etiam militiarum, quocumque nomine, vel titulo prouidebitur, idem seruari, & ad hoc, vt vnius eiusdem fidei professio vniiformiter ab omnibus exhibeatur, vnicuque & certa illius forma cunctis innotescat, nostrae sollicitudinis partes in hoc alicui minimè desiderari; formam ipsam praesentibus annotatam publicari, & vbique gentium per eos, ad quos ex decretis ipsius concilij, & alios praedictos spectant, recipi, & obseruari, ac sub poenis per concilium ipsum in contrauenientes latis, iuxta hanc & non aliam formam professionem praedictam sollemniter fieri, auctoritate Apostolica, tenore praesentium districtè praecipiendo mandamus, huiusmodi sub tenore:

Forma profes- Ego N. firma fide credo, & profiteor omnia, & singula qua
sionis fidei. continentur in symbolo fidei, quo sancta Romana ecclesia vtitur, videlicet; Credo in vnum Deum Patrem omnipotentem, factorem caeli & terrae, visibilibus omnium
& i. ca. 7

*2. Sess. 24. de
reform. cap. 1. &
12. Sess. 25. de
reform. cap. 2.
A quibus haec
fidei professio
fieri debet.*

*Vnius eiusdem
que fidei vni-
formis debet es-
se professio.*

Forma profes-
sionis fidei.

& inuisibilem; Et in vnum Dominum IESVM Christum filium Dei vnigenitum, & ex Patre natum ante omnia secula; Deum de Deo, lumen de lumine, Deum verum de Deo vero: genitum non factum consubstantialem Patri, per quem omnia facta sunt: qui propter nos homines, & propter nostram salutem descendit de caelis; & incarnatus est de Spiritu sancto ex Maria Virgine, & homo factus est: crucifixus etiam pro nobis sub Pontio Pilato, passus & sepultus est: & resurrexit tertia die secundum scripturas: & ascendit ad caelos, sedet ad dexteram Patris: & iterum venturus est cum gloria iudicare viuos, & mortuos, cuius regni non erit finis: & in Spiritum sanctum Dominum, & viuificantem, qui ex Patre, Filioque procedit, qui cum Patre & Filio simul adoratur, & conglorificatur, qui locutus est per Prophetas: & vniam sanctam catholicam, & Apostolicam ecclesiam. Confiteor vnum baptisma in remissionem peccatorum: & expecto resurrectionem mortuorum, & vitam venturi seculi. Amen. Apostolicas, & ecclesiasticas traditiones, reliquasque eiusdem ecclesiae obseruationes, & constitutiones firmissime admitto, & amplector. Item sacram scripturam iuxta eum sensum, quem tenuit, & tenet sancta mater Ecclesia, cuius est iudicare de vero sensu, & interpretatione sacrarum scripturarum, admitto: nec eam vnquam nisi iuxta vnanimem consensum Patrum accipiam, & interpretabor. Profiteor quoque septem esse verè, & proprie sacramenta nouae legis à IESU Christo Domino nostro instituta, atque ad salutem humani generis, licet non omnia singulis necessaria: scilicet Baptismum, Confirmationem, Eucharistiam, Poenitentiam, extremam Vnctionem, Ordinem, & Matrimonium: illaque gratiam conferre: & ex his Baptismum, Confirmationem, & Ordinem, sine sacrilegio reiterari non posse. Receptos quoque & approbatos ecclesiae catholice ritus, in supradictorum omnium sacramentorum solenni administratione recipio, & admitto; omnia, & singula, quae de peccato originali, & de iustificatione in SS. Tridantina Synodo definita & declarata fuerunt, amplector, & recipio: Profiteor pariter in missa offerri Deo verum, proprium, & propitiatorium sacrificium pro viuis & de-

A v sanctis:

primantur. Nulli ergo omnino hominum liceat hanc paginam nostræ voluntatis, & mandati infringere, vel ei ausu temerario contraire. Si quis autem hoc attentare præsumpserit, indignationem omnipotentis Dei, ac beatorum Petri & Pauli Apostolorum eius se noverit incursum. Datum Romæ apud sanctum Petrum, anno incarnationis Dominicæ 1564. Idibus Nouembris; Pontificatus nostri anno quinto.

De studio, doctrina, ac institutione clericorum. CAP. IIII.

OMNIBVS, vt D. Ambrosius inquit^a, hominibus inest secundum naturam humanam verum inuestigare, quod ad studium cognitionis, & scientiæ trahit, & inquirendi infundit cupiditatem. Nihil est enim magis, quo homo cæteris animantibus præstet, quam quod rationis est particeps. Causas rerum requirit, generis sui authorem inuestigandum putat, in cuius potestate vitæ necisque nostræ potestas sit, qui mundum hunc suo nutu regat, cui sciamus rationem esse reddendam nostrorum actuum. In quibus excellere vniuersis pulchrum videtur, sed paucorum est assequi, qui voluendo cogitationes, consilia examinando, non mediocrem impediunt laborem, vt ad illud beatè honestèq; viuendum peruenire possint, atq; operibus appropinquare. Nō enim qui dixerit, inquit^b, mihi, Domine, Domine, intrabit in regnum cælorum; sed qui fecerit ea, quæ dico. Nam studia scientiæ sine factis, & bonis operibus, haud scio an etiã inuoluant magis. Scientia enim, vt D. Paulus ait^c, inflat; charitas verò ædificat. Nihilominus, quanto excelsior virtus est sapientia, tanto magis enitendum esse arbitror omnibus clericis, vt eam assequi possint. Siquidē à Gelasio Papa constitutum legitur^d; vt illiteratos nullus præsumat ad clericatus ordinem promouere: quia literis carens, sacris non potest esse aptus officiis. Ignorantia enim mater cunctorum errorum est, debetq; maximè à sacerdotibus Dei cuitari, qui docendi officium in populo Dei susceperunt. Nam hi ex decreto concilij 4. Toletani^e scire debent sanctas scripturas, & canones: & omne opus eorum in prædicatione, & doctrina consistit, vt ædificent cunctos eam fidei scientia, quàm operum disciplina.

Quare

^a lib. 1. offic. cap. 36. Omnes homines ad verum inuestigandum propensi sunt. Homo Christianus in quo cæteris animantibus præstet.

^b Matt. 7. cap.

^c 1. Corinth. 8.

^d c. illiteratos. dist. 36. Illiterati ad clericatum non sunt promouendi.

^e Concil. Toletan. 4. cap. 24. c. ignorantia. dist. 38.